

IOK-JÍⁿ (29)

1 Iâ-hô-hoa ê oē lîm-kàu Pí-thó·-jîⁿ ê kiáⁿ Iok-jîⁿ--ê.

²Lâu-toā lāng ah, lín tiòh thiaⁿ chit-ê, chit só·-chāi khiā-khí ê peh-sìⁿ ah, lín tiòh àⁿ hī-khang, tng lín ê jít á-sī lín ê liát-chó· ê jít, bat ū chit ê sū mah? ³Lín tiòh chiong chit ê sū thoân hō· lín ê kiáⁿ, kiáⁿ thoân hō· sun, sun thoân hō· āu-tāi. ⁴Chháu-meh chiáh chhun-ê, tē-jī-chéng ê chháu-meh lâi chiáh i; tē-jī-chéng chiáh-chhun-ê, tē-saⁿ-chéng ê chháu-meh lâi chiáh i; tē-saⁿ-chéng chiáh-chhun-ê, tē-si-chéng ê chháu-meh lâi chiáh--i. ⁵Chiú-chui ê lāng ah, lín tiòh chhiⁿ lâi thi-khau; hòⁿ-chiú ê lāng ah, tiòh ūi-tiòh tiⁿ-chiú lâi thi-khau; in-ūi bô chiú thang koh kàu lí ê chhui lah. ⁶In-ūi ū chit-chók chiūⁿ--lâi goá ê toē, kiông-béng koh boē-sùg-tit; i ê khí chhin-chhiūⁿ sai ê khí, i ê gē chhin-chhiūⁿ bú ê sai ê gē; ⁷i húi-hoāi goá ê phû-tô-chhiū, pak goá ê bû-hoa-kó chhiū, hō· i kng liu-liu, lâi khi-sak i; i ê kī piàn-choē pēh. ⁸Lí tiòh thi-khau, chhin-chhiūⁿ chāi-sek-lú io hā moa-pò·, ūi-tiòh siâu-liân ê sí ê tiông-hu thi-khau. ⁹Sò·-chè kap tiān-chiú, lóng bô thang kàu Iâ-hô-hoa ê tiān; hók-sāi Iâ-hô-hoa ê chè-si lóng pi-ai. ¹⁰Chhân pha-hng, toē pi-ai; in-ūi gō·-kak húi-hoāi, sin-chiú ta--khì, iū iā khiām-kheh. ¹¹Choh-chhân lāng ah, lín tiòh kiàn-siâu, siu-lí phû-tô-hng--ê ah, lín tiòh ai-kiò, ūi-tiòh sió·-béh kap toā-béh ê iân-kò·; in-ūi chhân-hng ê

siu-sēng lóng bô--khì. ¹²Phû-tô-chhiū ta--khì, bû-hoa-kó chhiū ko·-tâ, siáh-liū, chó-chhiū, pîn-kó, liân chhân-iá it-chhè ê chhiū-bák, iā lóng ko·-tâ; jîn-kan ê khoài-lók lóng siâu-bô.

¹³Chè-si ah, lín tiòh hā moa-pò· thi-khau; tī chè-toāⁿ hók-sāi--ê ah, lín tiòh ai-kiò; choē goá ê Siōng-tè chhe-ēng ê lāng ah, lín tiòh lâi, chhēng moa-pò· kè-mî; in-ūi sò·-chè kap tiān-chiú, lóng bô thang hiàn tī lín ê Siōng-tè ê tiān. ¹⁴Lín tiòh siat chit ê kìm-chiáh ê sēng-jit, tiâu-chip giām-siok-hoē, chio-chip lâu-toā, kap kok-lāi it-chhè khiā-khí ê peh-sìⁿ, kàu Iâ-hô-hoa lín Siōng-tè ê tiān, ai-kiū Iâ-hô-hoa. ¹⁵Chhám ah, hit-jit, in-ūi Iâ-hô-hoa ê jít kûn lah, chhin-chhiūⁿ húi-biát beh tui Choân-lēng--ê lâi. ¹⁶Chiáh-mih kiám-m-sī tui lán ê bák-chēng toān-choát mah? Hoaⁿ-hí khoài-lók kiám-m-sī tui lán ê Siōng-tè ê tiān thēng-chí mah? ¹⁷Chéng-chí noā tī thô·-lāi; chhek-chhng hong-hoē; chhek-siāⁿ tó-hoāi; in-ūi gō·-kak ta-la--khì. ¹⁸Cheng-siⁿ ai-háu kàu cháiⁿ-iūⁿ! gū-kûn hun-loān, in-ūi bô chháu; iūⁿ-kûn iā khùn-khó·. ¹⁹Iâ-hô-hoa ah, goá kiū-kiò Lí; in-ūi hé sio-biát không-iá ê chháu-tiūⁿ, hé iām sio-chhīn chhân-iá ê chhiū-bák. ²⁰Chhân-iá ê cháu-siū òng Lí teh chhoán; in-ūi khoe-chúi ta--khì, hé iā sio-biát không-iá ê chháu-tiūⁿ.

2 Lín tiòh tī Sek-an pûn sàu-kak, tī Goá ê sēng-soaⁿ pûn hō-thâu; kok-lāi khiā-khí ê peh-sìⁿ lóng tiòh ngiāuh-ngiāuh-chhoah; in-ūi

Iâ-hô-hoa ê jít beh kàu, taⁿ kün--lah. ²Hit-jít sī o·o· àm-àm, bát-hún o·-àm ê jít, chhin-chhiūⁿ phah-phú-kng sek-tì pho·-moá soaⁿ-thâu; ū chít-chòk toā koh kiông, chiông-lâi bē-bat ū án-ni--ê, í-âu kàu tãi-tãi iā bô. ³Hé tóh tī in ê thâu-chêng, hé-iām sio tī in ê āu-bīn; in bē kàu ê toē, chhin-chhiūⁿ Ai-tiān hng, in kè-liáu ê toē, chiāⁿ-choē phahng ê không-iá; bô chít-hāng oē siám-pī in. ⁴In ê hêng-chông chhin-chhiūⁿ bé, pháu-cháu chhin-chhiūⁿ bé-peng. ⁵In thiàu tī soaⁿ-têng, chhin-chhiūⁿ chhia ê siaⁿ, koh chhin-chhiūⁿ hé-iām sio-chháu ê siaⁿ, chhin-chhiūⁿ không-béng ê peh-siⁿ pài tī chiàn-tīm. ⁶In chít-ē lâi, chêng peh-siⁿ chhám kàu-kék, bīn lóng piàn-sek. ⁷In pháu-cháu chhin-chhiūⁿ ióng-sū, peh-chiūⁿ siāⁿ chhin-chhiūⁿ chiàn-sū, ták-ê chiàu-lō· kiāⁿ, bô loān tui-ngó; ⁸tāi-ke bô saⁿ oe-khoeh, ták-ê kiāⁿ i ê lō; tú-tiòh chhiuⁿ-to, iah bô siám-pī; ⁹in thiàu-jíp siāⁿ, poāⁿ-kè chhiūⁿ, pē-chiūⁿ chhù-téng, jíp thang-á chhin-chhiūⁿ chhát; ¹⁰in chít-ē lâi, toē tín-tāng, thiⁿ iô-choah, jít-géh o·-àm, chhiⁿ-sīn bô kng. ¹¹Iâ-hô-hoa tī I ê kun-peng ê bīn-chêng chhut-siaⁿ, I ê kun-tui chin-toā; kiāⁿ I ê bēng-lēng--ê chin không-béng; in-ūi Iâ-hô-hoa ê jít toā koh thang kiaⁿ, chī-chui tng oē khí ah?

¹²Iâ-hô-hoa kóng, Sui-jiān án-ni, lín tiòh ēng choan-sim, ēng kìm-chiáh, ēng thi-khàu, ēng pi-ai oát-túg kui-ng Goá. ¹³Tiòh thiah-lh lín ê sim, bôh-tit thiah-lh lín ê saⁿ, kui-ng Iâ-hô-hoa lín ê Siōng-tè; in-ūi I ū jîn-chū lín bín, bô khoài-khoài siū-khì, moá-moá un-hui, koh thè-hoé I ê chai-ē. ¹⁴Chī-chui oē chai I khéng oát-tò-túg lâi thè-hoé, lâu hók-khì tī āu-lâi, chiū-sī ū sò·-chè koàn-tiān hiàn hō· lín ê Siōng-tè Iâ-hô-hoa?

¹⁵Lín tiòh tī Sek-an pūn sàu-kak, siat chít ê kìm-chiáh ê sèng-jít, tiàu-chíp giām-siok-hoē; ¹⁶chū-chíp chêng peh-siⁿ hun-piat hit ê hoē choē-sèng, chio-chíp lâu-làng, chū-chíp gín-ná kap chiáh-ni--ê; hō· sin-kiáⁿ-sài chhut i ê chhù, sin-niū lī-khui i ê pāng. ¹⁷Hók-sāi Iâ-hô-hoa ê chè-si, tiòh tī léng-lông kap chè-toāⁿ ê tiong-kan thi-khàu, kóng, Iâ-hô-hoa ah, kiū Lí khoan-sù Lí ê peh-siⁿ, bôh-tit hō· Lí ê sán-giáp siū lēng-jiók, hō· liát-pang koán-hat in; siāⁿ-sū hō· liát-kok ê lāng kóng, In ê Siōng-tè tī toh-lòh?

¹⁸Hit-sī Iâ-hô-hoa ūi-tiòh I ê toē lâi jiát-sim, lín-bín I ê peh-siⁿ. ¹⁹Iâ-hô-hoa in I ê peh-siⁿ kóng, Khoàⁿ ah, Goá beh hō· lín ū gō·-kak sin-chiū kap iū, lín chiū moá-chiok; Goá bô koh hō· lín tī liát-pang-tiong siū lēng-jiók. ²⁰Goá iā beh hō· pak-hng ê kun-tui lī-khui lín hng-hng, koáⁿ i kàu không-hān phahng ê toē; i-ê chêng-tui kàu tang-hái, āu-tui kàu sai-hái; in-ūi i kiāⁿ toā tãi-chì, i ê pháiⁿ-bī chhèng-khí, chhàu-bī hoat-khí.

²¹Toē-thó· ah, bôh-tit kiaⁿ, tiòh hoaⁿ-hí khoài-lòk; in-ūi Iâ-hô-hoa kiāⁿ toā-sū. ²²Chhân-iá ê cháu-siū ah, bôh-tit kiaⁿ, in-ūi không-iá ê chháu-tiūⁿ hoat-siⁿ, chhiū kiát i ê ké-chí, bô-hoa-kó chhiū, phū-tô chhiū, iah lóng kiát-sít. ²³Sek-an ê peh-siⁿ ah, lín tiòh khoài-lòk, ūi Iâ-hô-hoa lín ê Siōng-tè lâi hoaⁿ-hí; in-ūi I ēng chêng ê hō· kíp-si siūⁿ-sù lín; ūi-tiòh lín lòh hō·-chui, chiū-sī chêng ê hō·, āu ê hō·, kap í-chêng chít-iūⁿ. ²⁴Gō·-kak-tiūⁿ beh ū bēh moá-moá, khut-tiong ê sin-chiū kap iū beh moá--chhut-lâi. ²⁵Goá chhe kàu lín tiong-kan ê toā kun-tui, chiū-sī tē-it-chéng, tē-jī-chéng, tē-saⁿ-chéng, tē-si-chéng ê chháu-meh, só· chiáh hiah ê ní-tang, Goá lóng beh hēng lín. ²⁶Lín beh chiáh lâi tī-chiok; iah beh

o-ló lín ê Siōng-tè Iâ-hô-hoa ê miâ; in-ūi I ūi-tiòh lín kiâⁿ kí-biâu ê sū, Goá ê peh-siⁿ tek-khak éng-oán bô kiàn-siàu. ²⁷Lín chiū beh chai Goá tī Í-sek-liát ê tiong-kan, koh chai Goá sī Iâ-hô-hoa lín ê Siōng-tè, í-goā bô pát-ê; Goá ê peh-siⁿ tek-khak éng-oán bô kiàn-siàu.

²⁸Liáu-āu Goá beh ēng Goá ê Sîn kàng-lôh hō· hoān ū jiók-thé--ê; lín ê kiáⁿ cha-bó·-kiáⁿ beh choè sian-ti kóng-oē, lín ê lâu-lâng beh tit-tiòh bîn-bāng, lín ê siàu-liân lâng beh khoàⁿ-kìⁿ īⁿ-siōng; ²⁹tī hiah ê jīt, Goá beh ēng Goá ê Sîn kàng-lôh tī lô·pók lú-pī. ³⁰Goá beh hián-bēng kī-sū tī thiⁿ--nih, tī toē--nih, huìh kap hé; kap hé-hun ê thiāu. ³¹Jīt-thâu beh piàn o·-ām, gēh beh piàn-choè huìh, tī Iâ-hô-hoa toā koh thang kiaⁿ ê jīt bē kàu ê tãi-seng. ³²Kàu hit-sī, kìⁿ-ū kiú-kiò Iâ-hô-hoa ê miâ--ê, beh tit-tiòh kiú; in-ūi tī Sek-an soaⁿ kap tī Iâ-lō·sat-léng beh ū tô-thoat ê lāng, chiàu Iâ-hô-hoa só· kóng--ê, tī chhun ê peh-siⁿ-tiong beh ū Iâ-hô-hoa só· tiàu--ê.

3 In-ūi tī hiah ê jīt, tng hit-sī, chiū-sī Goá hō· Iû-tāi kap Iâ-lō·sat-léng siū-liáh ê lāng tò-tng-lái ê sī, ²Goá beh chū-chip bān peh-siⁿ, chhoā in lōh--khì Iok-sa-hoat ê soaⁿ-kok, tī-hia sím-phoàⁿ in; in-ūi in chiong Goá ê peh-siⁿ, chiū-sī Goá ê sán-giáp Í-sek-liát, hun-soaⁿ tī liát-kok-tiong; koh pun Goá ê thó·toē; ³koh chiong Goá ê peh-siⁿ choè-khau lâi liam, chiong gín-ná oāⁿ ki-lú; boē cha-bó·-gín-ná, boé chiú lim. ⁴Chhui-lô ah, Se-tùn ah, Hui-lī-sū sī-kéng ah, lín kap Goá sím-mih kan-siáp? lín beh pò-èng Goá mah? Lín nā pò-èng Goá, Goá beh kín-kín hō· lín ê pò-èng kui tī lín ê thâu-khak. ⁵Lín kì-jiân chhiúⁿ-théh Goá ê kim, gūn, koh chiong Goá só· hoaⁿ-hí ê pó-mih, toà jíp lín ê kiong-tiān; koh lín bat ēng Iû-tāi lāng kap Iâ-lō·sat-léng ê lāng, boē hō·

Hi-liáp lāng, beh hō· in lī-khui in ê kéng-kài hng-hng. ⁷Khoàⁿ ah, Goá beh kek-tōng in lī-khui lín só· boē in kàu ê só·-chāi; Goá beh hō· lín ê pò-èng kui tī lín ê thâu-khak; ⁸Goá beh chiong lín ê kiáⁿ cha-bó·-kiáⁿ boē tī Iû-tāi lāng ê chhiú, in beh boē in hō· Sī-pa lāng, chiū-sī hng-hng ê kok; che sī Iâ-hô-hoa kóng--ê.

⁹Tiòh ēng chit-ê soan-pò· tī liát-pang-tiong, tiòh pī-pān kau-chiàn, kek-tōng íong-sū, hō· lóng-chóng ê chiàn-sū chìn-chēng chiūⁿ--lái. ¹⁰Tiòh ēng lín ê loē-thâu phah-choè to-kiām, ēng lín ê liām-á phah-choè chhiuⁿ; loán-jiók--ê tiòh kóng, Goá chiū-sī íong-sū. ¹¹Sì-ūi ê liát-kok ah, lín tiòh kín-kín lâi saⁿ-kap chū-chip; Iâ-hô-hoa ah, hō· Lí hiah ê íong-sū lōh-khì hia. ¹²Liát-kok ê lāng lóng tiòh khí-lái, chiūⁿ kàu Iok-sa-hoat ê soaⁿ-kok; in-ūi Goá beh chē tī-hia sím-phoàⁿ sì-ūi ê bān peh-siⁿ. ¹³Lín tiòh chhun-chhut koeh-á, in-ūi gō·kak sèk--lah; lâi, tǎh--lōh-khì; in-ūi chiú-khut moá lah, chiú-tī ek--chhut--lái lah, in ê pháiⁿ chin-toā. ¹⁴Chit-tin chit-tin ê lāng, tī phoàⁿ-toàn ê soaⁿ-kok! in-ūi Iâ-hô-hoa ê jīt kún lah, tī phoàⁿ-toàn ê soaⁿ-kok. ¹⁵Jīt-gēh o·-ām, chhiⁿ-sîn bô-kng. ¹⁶Iâ-hô-hoa beh tui Sek-an hoah-hiām, tui Iâ-lō·sat-léng chhut-siaⁿ; thiⁿ kap toē chiū tín-tāng; chóng-sī Iâ-hô-hoa beh choè I ê peh-siⁿ tô-siám ê só·-chāi, choè Í-sek-láit lāng ê oē-só·. ¹⁷Lín chiū chai Goá sī Iâ-hô-hoa lín ê Siōng-tè, khiā-khí tī Sek-an Goá ê sèng-soaⁿ--ê; hit-sī Iâ-lō·sat-léng beh chiāⁿ-choè sèng, goā-pang lāng bô koh tui i ê tiong-kan keng-kè. ¹⁸Tng hit-jīt toā-soaⁿ beh tih tīⁿ ê chiú, sió-soaⁿ beh lâu lín, Iû-tāi chiah ê khoe, hô, lóng ū chúi teh lâu; beh ū chúi-choāⁿ tui Iâ-hô-hoa ê tiān chhut--lái, lūn-ték Síp-tēng ê soaⁿ-kok. ¹⁹Ai-kíp beh pha-hng,

Í-tong piàn-choè pha-hng ê khòng-iá, in-ūi in
pō-giòk Iû-tāi lāng, koh lâu bô-choē ê lāng ê
huih tī in ê toē. ²⁰Chóng-sī Iû-tāi beh chūn
kàu éng-oán, Iâ-lō·sat-léng beh chūn kàu tãi-
tāi. ²¹Chá Goá bē-bat soé-chheng in lâu-huih
ê choē, taⁿ beh soé in; in-ūi Iâ-hô-hoa khiā-
khí tī Sek-an.